

GJALDSKRÁ

fyrir Búnaðarsamband Vestfjarða.

1. gr.

Gjald fyrir ómskoðun og stigun:

Fyrir fyrstu 25 kindur á kind	kr. 1.500
Fyrir allt að 25 kindur til viðbótar	kr. 50
Fyrir kindur umfram 50 kindur	kr. 35

2. gr.

Gjald fyrir ýmiss konar áætlanagerð, t.d. vegna reksturs, áburðarnotkunar o.fl. svo og fyrir aðra sérhæfða vinnu fyrir einstaklinga samkvæmt ósk þeirra þ.m.t. matsgerðir, umsóknir og vottorð er kr. 2.500 á klst.

3. gr.

Félagar í búnaðarfélögum njóta afsláttar skv. 2. gr. sem nemur ársgjaldi þeirra til B.S.V. af samanlögðum verkefnum ársins.

4. gr.

Gjald fyrir venjulegt sæði	kr. 1.900
Gjald fyrir sæði úr holdanautum	kr. 2.500
Gjald fyrir sæðingu þegar ekki er um mjólkurinnleggjanda að ræða	kr. 3.900
Gjald fyrir sæði úr holdanautum þegar ekki er um mjólkurinnleggjanda að ræða	kr. 4.500

5. gr.

Virðisaukaskattur reiknast aukalega á hverja gjaldtöku skv. 1., 2., 3. og 4. gr.

6. gr.

Gjaldskrá þessi er sett með heimild í 3. gr. búnaðarlaga nr. 70/1998 og að fenginni umsögn Bændasamtaka Íslands og tekur þegar gildi.

Landbúnaðarráðuneytinu, 25. október 2000.

Guðni Ágústsson.

Ingibjörg Ólöf Vilhjálmsdóttir.

24. október 2000

Nr. 789

AUGLÝSING

um staðfestingu félagsmálaráðuneytisins á sameiningu Glæsibæjarhrepps, Skriðuhrepps og Öxnadalshrepps.

Með vísan til 95. gr. sveitarstjórnarlaga nr. 45/1998 tilkynnir ráðuneytið að það hefur hinn 24. október 2000 staðfest sameiningu Glæsibæjarhrepps, Skriðuhrepps og Öxnadalshrepps í eitt sveitarfélag.

Jafnframt hefur eftirfarandi verið ákveðið:

Sameining framangreindra sveitarfélaga í eitt sveitarfélag skal taka gildi 1. janúar 2001.

Hið nýja sveitarfélag skal taka yfir allt það land, sem nú tilheyrir áðurgreindum þremur sveitarfélögum.

Íbúar hinna þriggja sveitarfélaga skulu vera þegnar hins nýja sveitarfélags.

Eignir, skuldir, réttindi og skyldur, sem tilheyra þessum þremur sveitarfélögum, skulu falla til hins nýja sveitarfélags.

Skjöl og bókhaldsgögn hinna þriggja sveitarfélaga skulu afhent hinu nýja sveitarfélagi til varðveislu.

Sérstök athygli er vakin á eftirfarandi:

Kosning sveitarstjórnar hins nýja sveitarfélags skal fara fram þann 9. desember 2000, sbr. 96. gr. sveitarstjórnarlaga nr. 45/1998.

Kosningin skal vera bundin hlutfallskosning, sbr. 20. gr. laga um kosningar til sveitarstjórna nr. 5/1998.

Kjósa skal sjö fulltrúa í sveitarstjórn hins nýja sveitarfélags, sbr. 1. mgr. 12. gr. sveitarstjórnarlaga nr. 45/1998.

Sveitarstjórnirnar þrjár kjósa sameiginlega þrjá fulltrúa í yfirkjörstjórn og þrjá til vara. Kjörstjórnir þær sem kosnar voru í upphafi yfirstandandi kjörtímabils skv. 14. gr. laga um kosningar til sveitarstjórna nr. 5/1998 skulu vera undirkjörstjórnir við kosningarnar.

Samhliða sveitarstjórnarkosningum verður gerð skoðanakönnun um nafn hins nýja sveitarfélags samkvæmt tillögu sameiningarnefndar. Nafn hins nýja sveitarfélags verður auglýst sérstaklega.

Félagsmálaráðuneytinu, 24. október 2000.

F. h. r.

Húnbogi Þorsteinsson.

Guðjón Bragason.

REGLUGERÐ

**um breytingu á reglugerð um Happraætti Háskóla Íslands,
nr. 348 8. október 1976, með síðari breytingum.**

1. gr.

23. gr. orðist svo:

Vinningar verða greiddir á þeim tíma sem auglýstur er í vinningaskránni á skrifstofu happdrættisins í Reykjavík, eða þar sem auglýst kann að verða í vinningaskránni.

Sá sem vinning hefur hlotið skal snúa sér til þess umboðsmanns happdrættisins, sem hefur ritað undir miðann, og skal umboðsmaðurinn rita aftan á miðann vottorð um að hann hafi hlotið vinning og hve háan. Vinningurinn verður síðan greiddur gegn afhendingu hluta-miðans og losnar happdrættið með því undan frekari greiðsluskyldu, þó að aðrir kynnu síðar að sanna betri rétt til vinningsins.

Ef mótmæli koma fram gegn greiðslu vinnings til handhafa hlutamiðans, áður en greiðsla vinninganna hefst samkvæmt vinningaskránni, skal happdrættið leggja vinninginn í sparisjóð og afhenda síðan með áföllnum vöxtum þeim sem með dómi eða á annan hátt sannar eignarrétt sinn á vinningnum. Ef aðilar hafa ekki innan þriggja mánaða frá því að mótmæli komu fram, komið sér saman um greiðslu vinningsins, greiðir happdrættið handhafa miðans vinninginn með áföllnum vöxtum, nema sannað sé fyrir stjórn happdrættisins að mál sé þingfest um eignarrétt vinningsins.